

КОМИ РЕСПУБЛИКАСА КОМИ КЫВ КОМИССИЯЛӨН

2011 вося лөддза-номъя төлысь 9 лун

21№-а

СЁРНИГИЖӨД

Волісны: Марков В.П., Цыпанов Е.А., Козулина С.Г., Безносикова Л.М., Бутырева Г.В., Коснырева Е.Г., Макарова Н.Д., Федина М.С.

Видлалісны да сөгласуйтісны:

1. Комиён төлысь нимьяс гижны тадзи:

Январь – төвшөр төлысь;

Февраль – урасьём төлысь;

Март – рака төлысь;

Апрель – косму төлысь;

Май – ода-кора төлысь;

Июнь – лөддза-номъя төлысь;

Июль – сора төлысь;

Август – моз төлысь;

Сентябрь – көч төлысь;

Октябрь – йирым төлысь;

Ноябрь – вольгым төлысь;

Декабрь – өшым төлысь.

2. Учреждениелысь нимсө гижны тадзи:

Рочён	Комиён
Государственное бюджетное учреждение Республики Коми «Центр обеспечения организации и проведения торгов»	«Вузос котыртан да нуодан шөрин» Коми Республикаса канму сьомкуд учреждение

3. Видлалісны да сөгласуйтісны Коми Республикаса Оланподувлысь 1-14 статьяяс:

КОМИ РЕСПУБЛИКАСА**ОЛАНПОДУВ**

(Коми Республикаса 1995.10.26. 29-РЗ №-а;
1995.12.29. 35-РЗ №-а; 1997.08. 27. 37-РЗ №-а;
1998.02.11. 1 РЗ- №-а; 1998.06.16. 21-РЗ №-а;
1998.06.16. 22-РЗ №-а; 1998.12.25. 43-РЗ №-а;
1999.06.23. 28-РЗ №-а; 2000.04.04. 20-РЗ №-а;
2000.06.08. 28-РЗ №-а; 2000.10.17. 61-РЗ №-а;
2001.01.09. 1-РЗ №-а; 2001.10.12. 45-РЗ №-а;
2002.07.16. 65-РЗ №-а; 2002.11.04. 104-РЗ №-а;
2003.03.03. 9-РЗ №-а; 2003.12.01. 72-РЗ №-а;
2004.06.04. 25-РЗ №-а; 2004.07.14. 39-РЗ №-а;
2005.04.05. 22-РЗ №-а; 2005.04.05. 23-РЗ №-а;
2005.05.17. 47-РЗ №-а; 2006.02.20. 1-РЗ №-а;
2006.11.20. 114-РЗ №-а; 2007.05.08. 35-РЗ №-а;
2007.06.15. 45-РЗ №-а; 2007.11.08. 93-РЗ №-а;
2008.03.06. 6-РЗ №-а; 2008.05.04. 44-РЗ №;
2009.04.16. 12-РЗ №-а; 2009.05.22. 38-РЗ №-а;
2009.06.30. 58-РЗ №-а; 2009.09.30. 81-РЗ №-а;
2009.12.23. 123-РЗ №-а; 2010.05.07. 35-РЗ №-а;
2010.12.20. 148-РЗ №-а

Оланпасъяслӧн редакцияын)

Коми Республикаса Медвылыс Сӧвет,
вояс чӧжӧн артмӧм канлун видзӧмын республика мутасын олысь
войтырлысь кӧсйӧм тӧдчӧдӧмӧн,

(2009.06.30 лунся 58-РЗ №-а КР Оланпаслӧн редакцияын)
ас граждана лӧн тыр-бур олӧм вӧсна кывкутӧмӧн,
мортлысь инӧдьяс да вӧля, граждана костын мир да ӧтсӧгласа олӧм,
бурӧ да веськыдлуно эскӧм ёнмӧдӧмӧн,
абзацсӧ киритӧма. – 2009.06.30 лунся 58-РЗ №-а КР Оланпас,
Россияса канмулысь ӧтувъялуно видзны зильӧмӧн,
вынсьӧдӧ Коми Республикалысь Оланподув.

I ЮКОД.

1юрпас. ОЛАНПОДУВ ТЭЧАСЛӧН МЫДЖӧДЪЯС

1 статья

(2000.10.17 лунся 61-РЗ №-а КР Оланпаслӧн редакцияын)

Коми Республика (канму) Россия Федерациялӧн ӧткодь инӧда субъект.

2 статья

(2009.06.30 лунся 58-РЗ №-а КР Оланпаслӧн редакцияын)

Войтыр ассыныс власьтсӧ збыльмӧдӧ веськыда, а сідзжӧ канму власьт
органьяс да меставывса асвеськӧдлан органьяс пыр.

Войтырлысь медвылысса власьтсӧ веськыда петкӧдлӧны референдум
да ас вӧляысь бӧрйысьӧмьяс.

3 статья

(2001.10.12 лунся 45-РЗ №-а КР Оланпаслӧн редакцияын)

Коми Республика котыртӧмыс да сылӧн нимыс йитчӧма сылӧн
мутасын коми войтырлӧн нэмӧвӧйся олӧмкӧд.

Коми Республика сетö тыр позянлун видзны да сöвмöдны коми войтырлысь да республикаын олысь мукöд войтырлысь кыв, традиционнöй культура да оланног Россия Федерацияса Оланподув, федеральнöй оланпастэчас, Коми Республикаса оланпастэчас, а сідзжö войтыркостса инöдлысь да Россия Федерациялöн войтыркостса сёрнитчöмъяслысь ставöн пыдди пуктана юрподувъяс да нормаяс тöд вылын кутöмөн.

4 статья

(2001.01.09 лунся 1-РЗ №-а КР Оланпаслöн редакцияын)

Морт, сылöн инöдъяс да вöля меддонаторйыс. Мортлысь да гражданинлысь инöдъяссö да вöлясö ладмöдö, вынсьöдö да дорйö Россия Федерация. Мортлысь да гражданинлысь инöдъяссö да вöлясö пыдди пуктöм, збыльмöдöм да дорйöм - Коми Республикалöн мог.

5 статья

Медводдза юкөнсö киритöма. - 2000.10.17 лунся 61-РЗ №-а КР Оланпас.

Коми Республика ас мутасын тырвыйö кутö канму власьт Россия Федерациялöн веськöдланторьяс кузя уджмогъясысь öтдор да Россия Федерациялöн да Россия Федерацияса субъектьяслöн öтувья веськöдланторьясысь öтдор, кодъясöс пыртöма Россия Федерациялы веськöдлöм улö.

(2000.10.17 лунся 61-РЗ №-а КР Оланпаслöн редакцияын)

6 статья

Коми Республикаын позяна политика, экономика да идеология юкөннын унапöлöслун, унаютыралöм.

Некутшöм идеология оз вермы лоны урчитöма канмусаöн либö ставлы инманаöн.

Öтйöза котыръяс öткодьöсь оланпас водзын.

Нельöд юкөнсö киритöма. - 2003.12.01 лунся 72-РЗ №-а КР Оланпас.

7 статья

Коми Республикалөн веськөдланторъяс кузя Коми Республикаса Оланподувлөн эм медвылыс юридическöй вын, пöртсьö олöмö веськыда да сийö вына Коми Республика пасьтала. Коми Республикаын вынсьöдöм оланпасъяс да мукöд инöда акт оз вермыны мунны паныд Коми Республикаса Оланподувлы.

(2000.10.17 лунся 61-РЗ №-а КР Оланпаслөн редакцияын)

Коми Республикалөн канму власьт органъяслы, меставывса асвеськөдлан органъяслы, чина йöзлы, гражданылы да налөн котыръяслы быть колö пыдди пуктыны Коми Республикалысь Оланподувсö да Коми Республикалысь оланпасьяссö.

Коми Республикаса канму власьт органъяслы асланыс уджын колö кутны тöд вылын Коми Республикалысь историческöй да национальнöй аслыспöлöслуньяс.

(коймöд юкөнсö пыртöма 2001.10.12 лунся 45-РЗ №-а КР Оланпасөн)

Коми Республикаса Оланподув да Коми Республикаса оланпасъяс вынсялöны найöс официальнöя йöзöдöм бöрын. Коми Республикаса став нормативнöй инöда актыс, кодi йитчöма мортлөн да гражданинлөн инöдьяскöд, вöлякöд да могьяскöд, вынсялö найöс официальнöя йöзöдöмсянь дас лунысь оз водзджык.

(юкöныс 2000.10.17 лунся 61-РЗ №-а; 2001.10.12 лунся 45-РЗ №-а КР Оланпасьяслөн редакцияын)

8 статья

Коми Республикаын канму власьт збыльмöдсьö оланпас пыртысь, олöмö пöртысь да ёрд власьт вылö юкöм подув вылын.

Коми Республикаын канму власьт пöртöны олöмö Коми Республикаса Каналан Сöвет, Коми Республикаса Юралысь, Коми Республикаса Велькöдлан котыр да Коми Республикаса олöмö пöртысь власьтлөн мукöд орган, Коми Республикаса Оланподув Ёрд да мирöвöй ёрдысьяс.

(2000.10.17 лунся 61-РЗ №-а; 2001.10.12 лунся 45-РЗ №-а КР Оланпасьяслөн редакцияын)

Коми Республикаса канму власьт органьяс тайö Оланподулөн да оланпастэчасөн урчитöм тыр инöд серти уджалöны ас кежысь.

9 статья

(2005.05.17 лунся 47-РЗ №-а КР Оланпаслөн редакцияын)

Коми Республикаын пыдди пуктöны да сетöны тыр позянлун меставывса асвелькöдлöмлы.

Коми Республикаын меставывса асвелькöдлöм лоö войтырöн власьт збыльмöдан ногөн, кодi сетö позянлун олысьяслы ас кежысь да ас кыв кутöмөн пöртны олöмö асланыс да (либö) меставывса органьяс пыр меставывса тöдчанлуна юалöмьяс, олысьяслысь кöсйöмьяс, историческöй да меставывса мукöд традиция тöд вылын кутöмөн.

Меставывса асвелькöдлöм аслас уджмогьясын ашöрлуна.

Меставывса асвелькöдлан органьяс оз пырны Коми Республикаса канму власьт органьяслөн тэчасö.

10 статья

(2001.10.12 лунся 45-РЗ №-а КР Оланпаслөн редакцияын)

Коми Республикаын дорйöны мортлысь да гражданинлысь инöдьяс да вöля.

11 статья

(2001.01.09 лунся 1-РЗ №-а КР Оланпаслӧн редакцияын)

Коми Республикалысь социальнӧй да экономическӧй политика
веськӧдӧма быд мортлӧн тыр-бура олӧм да ас вӧляысь сӧвмӧм вылӧ.

(2001.10.12 лунся 45-РЗ №-а КР Оланпаслӧн редакцияын)

12 статья

Коми Республикаын ӧтмоза дорйӧны аспом, канму, муниципальной да
мукӧд сикас эмбур.

(2000.10.17 лунся 61-РЗ №-а КР Оланпаслӧн редакцияын)

13 статья

Муӧн, ваӧн, вӧрӧн да ывласа мукӧд озырлунӧн Коми Республикаын
вӧдитчӧны да найӧс видзӧны республика мутасса войтырлысь олан да
уджалан подув пыдди.

(2009.06.30 лунся 58-РЗ №-а КР Оланпаслӧн редакцияын)

Му да вӧр-васа мукӧд озырлун вермас лоны аспом, канму,
муниципальной да мукӧд сикас эмбурӧн Россия Федерацияса да Коми
Республикаса оланпасъясӧн индӧм ног да корӧмъяс серти.

(2000.10.17 лунся 61-РЗ №-а КР Оланпаслӧн редакцияын)

14 статья

Оланподувлӧн тайӧ юрпасса шуӧмъясыс лоӧны Коми Республикаса
оланподув тэчаслы мыджӧдӧн, найӧс позьӧ вежлавны сӧмын тайӧ
Оланподулӧн урчитӧм ногӧн.

Тайӧ Оланподувса некутшӧм мукӧд шуӧм оз вермы мунны Коми
Республикаса оланподув тэчас мыджӧдъяслы паньд.

Комиссияӧн веськӧдлысь

В.П.Марков

Комиссияса веськӧдлысьӧс вежысь

С.Г.Козулина

Кывкутысь секретар

Е.Г.Коснырева